



25. september 2013

Inatsisartut suleriaasianni § 37 naapertorlugu matumuuna Naalakkersuisunut apeqquateqaateqarpunga:

Septembarip ulluisa 19-ianni Naalakkersuisut siulittaasuat Aleqa Hammond tusagassiuutinut nalunaaruteqarpoq uranisorneq pillugu Inatsisartut piumasaqarnerat malillugu Naalakkersuisut nalunaarusiaannut eqqartuussissuserisunut Lett, DCE aamma PwC-ikkunnut Naalakkersuisut imissutigisimasaannut tunngasumik. Tusagassiuutinut nalunaarummi Aleqa Hammond oqarpoq nalunaarusiaq “immikkut ilisimasallit arlaannaannulluunniit attuumassuteqanngitsut” nalunaarusiarisimagaat taamaammallu uran pillugu Kalaallit Nunaata illuatungiliuttutut oqaaseqaataatut isigisineqarsinnaanngitsaq.

Eqqartuussissuserisut Malling & Hansen Dammikkut Namminersorlutik Oqartussanit iminneqarsimapput inatsisinik atortitsinermi pisortap Andreas Salmonip eqqunngitsumik soraarsitaasimanera pillugu inatsilerinermit tunngatillugu nassuiaasioqqullugit. Nassuiaatip immikkoortuani siullermi “piginnaatitaaneq periaaserlu”-mi eqqartuussissuserisut allapput “Una eqqartuussissuserisutut misissuineq eqqartuussissuserisutut nalinginnaasumik misissuineruvoq – kikkunnulluunniit attuumassuteqanngitsumik eqqartuussissuserisutut misissuinerunani.” Eqqartuussissuserisut nangippat: “Arlaannaannulluunniit attuumassuteqanngitsumik eqqartuussissuserisunit misissuititsinermi malitassat allat malinneqartarput, ilaatigut eqqartuussissuserisut misissuisut suliakkiissummut attuumassuteqassanngillat, suliap misissuinerusup siuliani, ingerlanerani kingornatigullu.”

Eqqartuussissuserisut Lettikut tassaapput pissutsinut aatsitassarsiornermut suliniutinullu angisuunut tunngatillugu tamanut Naalakkersuisut eqqartuussissuserisutut sulisikkumarnerusartagaat. Maanna Naalakkersuisuusut siuliilu sulissullugit eqqartuussissuserisut Lettikut arlalinnik nalunaarusiorlutillu nassuiaasiortarsimapput. Immikkut ilisimasalinnut atornerqartartunut allanut tamanna aamma atuuppoq. Namminersorlutik Oqartussat sulissullugit PwC-iikkut akuttunngitsumik nalunaarusiorlutillu misissueqqissaarnernik suliaqartarput, taamaapporlu DCE-mut tunngatillugu.

1. Naalakkersuisut uppersarsinnaavaat uranisorneq pillugu nalunaarusiaq eqqartuussissuserisut misissuisarneranni arlaannaannulluunniit attuumassuteqanngitsutut isigineqarsinnaasumut piumasaqaatigineqartartunut naammassinninngitsuusoq?
2. Apeqqutip siulliup akineqarnera tunulequtaralugu Naalakkersuisut siulittaasuat pissutissaqarsorilerpa nalunaarusiap arlaannaannulluunniit attuumassuteqanngitsutut isigineqarsinnaanera pillugu oqaaseqaatiminik erseqqissaanissamut?

- 3. Apeqqutit aappaat ilumuunnginnerarlugu akineqassappat Naalakkersuisut siulittaasuat qinnuigissavara nassuiaaqqqullugu nalunaarusiaq arlaannaannulluunniit attuumassuteqanngitsutut isigineqarnissamut piumasaqaatinut naammassinniffiunngitsoq qanoq ililluni “arlaannaannulluunniit attuumassuteqanngitsutut” taaneqarsinnaanersoq.**
- 4. Uranisiornermut atatillugu Danmarkip qanoq inissisimamera pillugu sillimaniarnermut illersornissamullu tunngassuteqartunik Naalakkersuisut eqqartuussissuserisunit allanit misissueqqissaarnernik noqqaasimappat? Taamaasiortoqarsimappat Naalakkersuisut qinnuigissavakka misissueqqissaarnerit suuneri qangalu suliarineqarsimani, aammalu tamanut saqqummiunniarneqalersaarnersut oqaatigeqqullugit.**
(Inatsisartunut ilaasortaq, Naaja H. Nathanielsen)

Tunngavilersuut

Ullunik uranisiornermut qitiusumillu allaffeqarfimmi tukannermut atatillugu assigiinngitsorpassuarnik isummanik saqqummerartoqarfiusunik aammalu uran pillugu kalaallit danskillu Naalakkersuisuisa akornanni inatsisilerinermit tunngassuteqartumik isumaqatigiinngissuteqarfiorpasissunik nalaataqarnitsinni pissusissamisoorpoq qulaajartissallugu innuttaasusugut paasissutissat qanoq ittuusut arlaannut attuumassuteqartutut paasissutissallu qanoq ittuusut arlaannaannulluunniit attuumassuteqanngitsutut naatsorsuutigisinnaanerigut.

Maannangaaq qinnutigissavara apeqqutigineqartut tamaasa ullut suliffiusut qulit qaangiutsinnagit akineqassasut.